versoit sur les uns et surles autres, on commença lesté a batir une chapelle de soixante pieds qui fut achevée l'automne d'apres. Cette chapelle fut besnite avec ceremonie et devient illustre par les graces que Dieu a versé sur ceux qui alloint prier Dieu dedans.

1677

on commenca a cognoistre que le lieu et les personnes ne contribuoint point a la ferveur des sauvages lesquels estants seuls separes des françois ne furent pas moins chrestiens et mesme le furent davantage au Sault quils n avoint esté a la prairie. La relation qu'on a fait et qui en parle iusques a 1679 fait voir que les choses se reglerent delle mesme chacun ayant desir de bien faire, les reglamens de ce temps la [sont] pour les prieres des jours ouvriers et des jours de festes tant celles des grands que des enfans les chants les processions les saluts la pratique des sacremens les mariages les divers états des mariés des veuves et des vierges et tout le reste en quoy la mission s'est reglee comme la plus belle paroisse de france; la loy contre la boifson s'y gardoit aufsy comme on le pourra voir dans son traitte particulier.

Cette annee sera remarquable par un celebre present qui fut envoyé de lorette au Sault, cestoit un collier exhortatif qui addressoit la voix des Loretains a ceux du Sault, pour leur faire prendre la foy tout de bon, pour leur faire batir une chapelle au plustost: et il les exhortoit aussy a combattre les differens demons qui coniuroint la ruine de lune et lautre mifsion ce collier fut aufsy tost attaché a une des poutres de la chapelle qui repond audefsus de lautel affin